

Uunga siunnersuut: Najukkat pillugit Inatsisartut inatsisaat nr. xx, xx. xxx 2018-imeersoq.

(Aatsitassanut, Suliffeqarnermullu Naalakkersuisoq)

pillugu

Sanaartornermut Ataatsimiititaliap

siunnersuutip aappassaaneerpeqarneranut

ISUMALIUTISSIISUTAA

Sanaartornermut Ataatsimiititaliap suliarinninnermini ilaasortarai:

Inatsisartunut ilaasortaq Anders Olsen, Siumut, Siulittaasoq

Inatsisartunut ilaasortaq Peter Olsen, IA, Siulittaasup tullia

Inatsisartunut ilaasortaq Bentiarraq Ottosen, Atassut

Inatsisartunut ilaasortaq Justus Hansen, Demokraatit

Inatsisartunut ilaasortaq Pele Broberg, Parti Naleraq

UKA2018-imi ulloq 11. oktober siullermeerinninnerup kingorna Sanaartornermut Ataatsimiititaliap siunnersuut misissorpaa.

Siunnersuutip imarisai siunertaalu

Tunnngaviusumik paasisutissanut pilersaarutip ataani nalunaarsuivimmik pilersitsinissap qulakkeerpeqarnissaa inatsisissatut siunnersuuteqarnermi pingaarnertut siunertaavoq.

Taamaalilluni sumiiffiit, tassungalu ilanngullugit najukkat pillugit paasisutissat assigiissaarneqarnissaat pitsanngorsarneqarnissaallu najukkat pillugit inatsisikkut siunertaavoq.

1. Siunnersuutip Inatsisartuni siullermeerpeqarnera

Siunnersuut ataatsimut isigalugu akuersaarneqarpoq najukkamullu paasisutissat pillugit inatsit tapersorsorluarneqarpoq.

Inatsisip nunap immikkoortuinut qanoq siammartigineqarniarnera aammalu illoqarfiit nunaqarfiillu sorliit aaqqissuussinermut akuutinneqarnissaat pillugit oqallisiginninnermi apeqquteqartoqarpoq.

Suliarinninnermi nassiussat, allakkisartarneq allakkanillu pajuttuisarneq pillugit apeqquteqartoqarpoq.

Tusarniaanermut akissutit

Tusarniaanermut akissutit inatsisissatut siunnersuummut ilanngunneqarput, tamannalu Inatsisartut Siulittaasoqarfiannit ilusiliinissamut piumasaqaatinut naapertuuppoq.

Inatsisilerinikkut misissuataarineq

Ulloq 19. oktober inatsisilerinikkut misissuataarisoqarpoq, tassani ineriartornerit pitsanngorsaanerillu tunngaviusut saqqummiunneqarlutik.

Tamatumani ataatsimiititaliamut ilaasortat Nuna tamakkerlugu pilersaarusiornermut aqutsisoqarfimmeersup oqaloqatigineratigut oqaasinngorlugit apeqqutiminnut akissutisinissamut periarfissinneqarput.

Saqqummiussinnermi Nuna tamakkerlugu pilersaarusiornermut aqutsisoqarfik, tassa aqutsisoqarfiup susassaqarfia, pitsanngorsaanerimik suliniut pillugu qanimut suleqatigiittunik atorfilittanik peqataaffigineqarpoq.

Ataatsimiititaliap siunnersuummik suliarinninnera

Naalackersuisunik nutaanik pilersitsinermut, tamatumalu malitsigisaanik suliassaqarfinnik allannguinnermut atatillugu inatsisissatut siunnersuut Aningaasaqarnermut aammalu Nunani Avannarlerni Suleqatigiinnermut Naalackersuisoqarfimmut nuunneqarsimasoq ataatsimiititaliamit aallarniutigalugu oqaatigineqassaaq.

Inatsisissatut siunnersuut ataatsimiititaliamit misissorneqarlunilu siunnersuutip pisortat allaffissornerannut taamatullu pisortani namminersortunilu paasissutissanik atuisunut siunissami pitsanngorsaanisamut periarfissiissutai oqallisigineqarput.

Tunngaviusumik paasissutissat, b-normunut atatillugu paasissutissanik passussisarneq kiisalu nalunaarsuisarnermut tunngasut ataatsimiititaliamit siusinnerusukkut paasiniaavigineqarsimapput. Kingullermik Hobromi pigisat aalaakkaasut pillugit

eqqartuussivimmi takuniaanikkut.

Sinaakkutitut inatsisikkut matumuunakkut paasissutissat katersorneqarnissaannut aammalu qarasaasiakkut nalunaarsuineri, sulissutigalugu ungasinngitsukkut aallartinneqartussatut naatsorsuutigineqartariaqartumi suleqatigiinnissamut ammaassisoqartoq ataatsimiititaliap iluarisimaarlugu paasivaa.

Nalunaarsuineq pillugu apeqqummut tunngatillugu ataatsimiititaliamit aamma maluginiarneqarpoq ger-normunik atuinermiit cvr-normunut atuinermut ikaarsarneq pisariitsumik ingerlasimasutut oqaatigineqartoq. Kiisalu ikaarsaariarneq nalunaarsuiffiit ikinnerulernerannik, taamaakkaluartorli paasissutissanik attuumassuteqartunik amerlanernik imaqartunik pitsaalluinnartumik kinguneqarsimasoq ilanngullugu oqaatigineqarpoq.

Piffissami aggersumi digitaliseeriinissami taamatut angusaqartoqarnissaa neriuutigineqarpoq, taakkulu Danmarkimi Tinglysning.dk-miittut pitsaassuseqartinneqarnissaat kaammattuutigineqarpoq.

Allakkanik pajuttuisarneq pillugu siullermeerinninnermi apeqqutigineqartut allaaserisarnermut inatsisip nutarterneqarnissaanut atatillugu oqaluuserineqarnissaat naleqqummat ataatsimiititaliamit naggasiutigalugu oqaatigineqassaaq.

Siunnersuutip aningaasatigut kingunerisassai

Siunnersuutip piviusunngortinneqarnerani aningaasatigut kingunerisassat siunnersuummut nalinginnaasumik nassuiaatini allaaserineqarput. Tassani allassimavoq digitaliseeriinermut maanna periutsimi qulequtarineqartunut arlalinnut siunnersuut tapertaasoq.


Taamaalillunilu aningaasaasat pisariaqartut aningaasanut inatsimmi tullerriiarinermut ilanngunneqarput.

Namminersortuni pisortanilu atuisut pitsaannorsaaniikkut siunissami annertuumik pissarsiaqarumaartut oqaatigineqarlunilu erseqqissarneqarpoq.

Ataatsimiititaliap inassuteqaatai

Siunnersuutip taama iluseqarluni Inatsisartunit akuerineqarnissaa Sanaartornermut Ataatsimiititaliap isumaqatigiittup inassutigaa.


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.



Anders Olsen, Siulittaasoq




Bentiarq Ottosen



Peter Olsen, siulittaasup
tullia



Justus Hansen



Pele Broberg